

億曹萬祖存亡受福動植靈榮流向法門垂  
 休後學大弘神化常轉法輪臣等所謝所祈  
 仰通玄鑒殃消昔劫福降今辰上願國祚延  
 長帝王萬壽乾坤交泰日月貞明風雨順常  
 星辰合度干戈弭戩穀稼豐登歲有禎祥時  
 無疵癘幽明開泰蠢動安全普及含生俱契  
 常道上明  
 天尊大慈之澤下副臣等歸命之誠謹啓以  
 聞

十二願

復鑪

謹攝香官使者左右龍虎君侍香諸靈官當  
 令臣向來落景行道之所自然生金液丹碧  
 芝英百靈衆真交會在此香火鑪前當願十  
 方仙童玉女接待蘭烟傳臣向來所啓之誠  
 速達徑御甲六  
 太上無極大道  
 昊天玉皇上帝  
 東極救苦青玄上帝御前

出堂頌

出戶

道門科範大全集卷之七十七



道門科範大全集卷之七十八

甲七

上清昇化仙度遷神道場儀

設醮行道

法事陞壇如式

各禮師存念如法

宣衛靈呪

五星列照 煥明五方 水星却火 木德致昌  
 英惑消禍 太白辟兵 鎮星四據 家國利亨  
 名刊玉簡 字錄帝房 乘鸞散景 飛騰太空  
 出入冥無 游宴十方 五雲浮蓋 招神攝風  
 役使萬靈 上衛仙公 與道合真

鳴法鼓二十四通

發鑪

無上三天玄元始三炁太上道君太上老君  
 召出臣等身中三五功曹左右官使者左右  
 捧香驛龍騎吏侍香金童傳言散花玉女五  
 帝直符直日香官合三十六人出出者嚴裝  
 顯服冠帶垂纓關啓玄壇土地方域神真臣  
 今設醮延真燒香行道謹奉為入意其諸情  
 悃已錄奏聞願得

太上十方至真道靈寶瑞光下降流入臣  
身中令臣所啓速達徑御

太上無極大道

昊天玉皇上帝

東極救苦青玄上帝御前

請稱法位

具位臣某與合壇官衆等謹同誠上啓

虛無自然元始天尊太上大道君太上老君

昊天玉皇上帝勾陳天皇大帝北極紫微大

帝南極注生大帝東極救苦青玄上帝承天

效法后土皇地祇十方大上靈寶天尊諸天

天尊諸天上帝上清日月星斗河漢群真三

官四聖五師三省真君九天天曹諸位真君

歷代傳宗啓教諸大師真雷霆神虎天醫諸

司官將太上諸階經錄中仙官將吏天下名

山得道神仙地府<sup>甲七</sup>鄴都大帝幽陰聖衆水府

扶桑大帝閻死真仙人元五嶽五天聖帝鄴

都地祇合千元帥太歲土火瘟司聖衆州府

城隍王者當境廟社神祇福庭土地真官法

壇諸司官將三界提魂攝魄神共四界直符

功曹使者騰奏儀錢神吏醮筵主宰一切真  
仙恭望洪慈洞垂昭鑒臣等伏聞寶珠傳道  
難明喜慶之言玉局授經大啓流行之誓師  
資踵繼今古燈傳自天上而達人間法固分  
於精與惟高真之與初學勢亦異於仙凡均

稱此道之有傳超出化機之能幾弟子某奉

爲先師某忽驚處順恐未超升仰託醮功上

干道化陳苾芬之嘉薦敬圭潔之靈場俟望

真遊鑒觀昭事瓊輪羽蓋泛灑氣於清空月

帔星冠介泮寥於午夜企百靈之交會指九

夜之仙津臣與衆等不任瞻望激切延請之

至祇迎聖馭

降聖 上茶 初獻 散花

再稱法位

具位臣某與合壇官衆等謹重誠上啓

九清上聖三洞師尊十方三界一切真靈恭

望洪慈洞回淵鑒臣聞混元函谷控白鹿以

西升黃帝鼎湖駕髯龍而高舉莫不以長生

爲本却死爲先且斯道之高玄係志人之叅

究然功難製錦喻起繫風既不勤於用心豈

能專於抱一放懷慾境任意塵緣嗜好日深  
衰敗時積氣亡液漏血滅骨枯既道運之漸  
凋必生緣之加促弟子某奉爲先師某生逢  
景運名繫玄門經教雖叅氣形未鍊忽隨化  
而暫滅恐積行之多違仙品未克生方尚阻

仰惟

天尊設教太上垂科有仙度昇天之儀有鍊

化生尸之法使神昇上界魂超太陰早入仙

源遠辭冥謫是敢歸憑至道建立齋功因清

淨之鶴袍扣魏莪之虎闕風飄清嘖繞容曳

之雲旗靈挹芳鑄瑩輝華之蘭席臣等存神

天界端簡夜壇騰報本之哀悰格蓋高之睿

鑒濫司關奏職在升聞設醮心詞謹當宣奏

宣詞

按如詞言誠深慕諒必塵於天聽願加憫

於幽途大施渙汗之恩廣作津梁之路伏念

近化某自從歷劫洎于此身住世以來所犯

之罪六情染累三業縈牽是乃反非功不補

過或傳經授道乖越明科或恣法答師犯干

天憲違明真科典三元品文身沒幽關受諸

報對無邊過答難以備陳以今歸命諸天投  
哀上聖罪無巨細咸乞蕩除開度窮魂出離  
出苦鍊神丹霍受化福堂統骨成仙滄霞吸  
景累修不怠積學成真漸陟虛無不倫生滅  
分身散景出有入無與道合真體玄接物三  
師玄祖超證仙班九世先亡升騰天路庶獄  
咸消於慘毒三塗惡能於驅馳六趣清升四  
生均利臣與眾等無任告真拔亡之至酒陳  
亞獻

散花

重稱法位

具位臣某與合壇官眾等謹虔誠上啓  
三清上聖十極妙有高真合壇應感一切真  
靈伏以滅迹去世雖人道之有終反胎藏形  
由仙功之未滿託質太陰之室馳心浩劫之  
家伏聞太上垂科有鍊化生尸之法高真演  
教有仙度升天之符使形神復返於霄途俾  
體魄不拘於地府五帝衛護三界司迎歷劫  
流通仙家傳授今有某追惟師匠建立齋功  
輒恃洪慈求蠲往過恐先師某身恭大法崇

奉多違名係仙曹修行中廢積集罪咎坐致  
終亡青簡落名冥官執過天門障塞地戶淹  
留萬里幽祇橫生拘錄仰希大宥昭洗宿殃  
敕下三官告盟五帝舉善輟惡起死迴骸使  
舊景星衢遊神洞府積功而超六慾證道而  
化羣迷均善利於先曾覃餘休於後業然後  
弟子某等安居樓觀克世冠裳驅塚宅之凶  
邪却他人之妬妒法燈相續邁陶陸之清修  
眉壽無期追松喬之久視世羅盡解道念長  
新無忌利物之心上廣好生之化臣與眾等  
不任再三祈請之至有酒盈樽謹伸三獻

散花

祝真文

宣疏

具位臣某謹重誠上啓  
三清上聖十極高真三界應感一切真靈臣  
等今則四弘誓滿六度功圓濟濟仙儀儼鸞  
駭於空際說說法從整鶴響於離庭仙梵停  
音清香罷祝天浮瑞氣映寶座之玲瓏月散  
餘輝滿花壇之皎潔企天光而依戀憫泉路  
以傾虔願賜優容俾倍危從使先化本師某  
齋持玉簡踰侍丹輿飄裾碧落之庭飛步未  
陵之府金書滌慮抱道潤於中衛玉液疏神  
契德流於上善均沐玄祖覃福門人惠澤所  
霑羣生咸遂臣等不任依戀之至誠惶誠恐  
稽首頓首再拜奉辭  
聖駕

十二願

復鑪

謹攝香官使者左右龍虎君侍香諸靈官當  
令臣向來設醮延真之所自然生金液丹碧  
芝英百靈眾真交會在此香火爐前當願十  
方仙童玉女接待蘭煙傳臣向來所啓之誠  
速達徑御  
至真無極大道  
昊天五皇上帝  
東極救苦青玄上帝御前

送聖

化財

回向

道門科範大全集卷之七十八